

Na osnovu člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 97/07 i 24/08) i člana 25. stav (1) tačka i) Zakona o konkurenciji („Službeni glasnik BiH“, br. 48/05, 76/07 i 80/09), na prijedlog Konkurencijskog vijeća, Vijeće ministara Bosne i Hercegovine na 142. sjednici održanoj dana 25. januara 2011. godine, donijelo je

**ODLUKU O IZMJENI I DOPUNI
ODLUKE O VISINI ADMINISTRATIVNIH TAKSI U VEZI SA PROCESNIM RADNJAMA
PRED KONKURENCIJSKIM VIJEĆEM**

Član 1.

U Odluci o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, broj 30/06) u članu 2. Tarifni broj 106. stav (1) iza tačke h) dodaju se nove tač. i), j) i k) koje glase:

- | | |
|---|--------------|
| “ i) za preispitivanje donesenog rješenja o pojedinačnom izuzeću od zabrane sporazuma, u smislu člana 5. st. (4) i (5) Zakona | 2.000,00 KM |
| j) za preispitivanje donesenog rješenja o koncentraciji kada stranke ne mogu ispuniti neke od uslova ili krše neku od mjera određenih rješenjem, zbog okolnosti koje se nisu mogle predvidjeti i izbjeći i koje ne zavise od volje stranaka, u smislu člana 18. stav (8) Zakona | 2.000,00 KM |
| k) za preispitivanje donesenog rješenja o ocjeni koncentracije, u smislu člana 43. stav (5) Zakona | 2.000,00 KM“ |

U Tarifnom broju 106. stav (2) mijenja se i glasi:

„(2) Za prijavu koncentracije, u smislu člana 16. stav (1) Zakona, i za prijavu namjere koncentracije, u smislu člana 16. stav (2) Zakona.“

U Tarifnom broju 107. stav (1) iza tačke e) dodaju se nove tač. f), g), h) i i) koje glase:

- | | |
|---|--------------|
| „ f) na osnovu zahtjeva za utvrđivanje zloupotrebe dominantnog položaja privrednog subjekta na relevantnom tržištu, u smislu člana 11. stav (1) Zakona | 1.500,00 KM |
| g) na osnovu posebnog zahtjeva, kojim se ocjenjuje da privredni subjekt ne zloupotrebljava dominantan položaj na relevantnom tržištu, u smislu člana 11. stav (3) Zakona | 1.500,00 KM |
| h) na osnovu posebnog zahtjeva, kojim se utvrđuje da se koncentracija smatra dopuštenom, u smislu člana 18. stav (7) Zakona i člana 19. Odluke o načinu podnošenja prijave i kriterija za ocjenu koncentracije privrednih subjekata | 2.500,00 KM |
| i) na osnovu posebnog zahtjeva, kojim se preispituje doneseno rješenje o ocjeni koncentracije, u smislu člana 43. stav (5) Zakona | 2.500,00 KM“ |

U Tarifnom broju 107. stav (2) u tački a) oznaka „stav (5)“ zamjenjuje se oznakom „stav (4)“.

U Tarifnom broju 107. stav (2) u tački b) oznaka „stav (7)“ zamjenjuje se oznakom „stav (8)“.

U Tarifnom broju 108. stav (1) iza tačke c) dodaje se nova tačka d) koja glasi:

„ d) o odbacivanju prijave koncentracije privrednih subjekata jer se ne radi o koncentraciji, u smislu člana 12. Zakona

1.000,00 KM“

Član 2.

Ova Odluka stupa na snagu osmog dana od dana objavljivanja u «Službenom glasniku BiH», a objavit će se i u službenim glasilima entiteta i Brčko Distrikta Bosne i Hercegovine.

VM broj 17/11

25. januara 2011. godine

Sarajevo

Predsjedavajući

Vijeća ministara BiH

dr. Nikola Špirić